

SOALAN NO. 7

**DEWAN RAKYAT
PEMBERITAHUAN PERTANYAAN
MESYUARAT PERTAMA, PENGGAL KEDUA
PARLIMEN KEEMPAT BELAS (2019)**

PERTANYAAN : BUKAN LISAN

**DARIPADA : DATO' SERI HAJI ABDUL HADI BIN AWANG
[MARANG]**

SOALAN : 7

Dato' Seri Haji Abdul Hadi bin Awang [Marang] minta PERDANA MENTERI menyatakan apakah tindakan Kerajaan untuk melaksanakan pendaftaran automatik berdasarkan daftar Jabatan Pendaftaran Negara selari dengan cadangan Kerajaan untuk menurunkan had umur layak mengundi kepada 18 tahun.

SOALAN NO. 7

JAWAPAN: **YB DATUK LIEW VUI KEONG**
MENTERI DI JABATAN PERDANA MENTERI

Tuan Yang Dipertua,

Untuk makluman Ahli Yang Berhormat, Kerajaan secara prinsipnya telah meluluskan cadangan untuk menurunkan umur layak mendaftar sebagai pemilih dari 21 tahun kepada 18 tahun. Suruhanjaya Pilihan Raya (SPR), Kementerian Belia dan Sukan dan Jabatan Peguam Negara sedang meneliti cadangan pindaan terhadap Perlembagaan Persekutuan dan peraturan-peraturan lain yang berkaitan dengan pilihan raya bagi tujuan pelaksanaan cadangan tersebut.

Dalam hal ini, Jawatankuasa Pembaikan Sistem dan Undang-undang Pilihan Raya Malaysia (ERC) dengan kerjasama SPR **sedang meneliti dan menjalankan kajian lanjut** berhubung pelaksanaan cadangan tersebut yang melibatkan pindaan kepada undang-undang sedia ada, penyediaan proses dan prosedur kerja urusan pendaftaran pemilih serta keperluan sistem dan peralatan untuk pelaksanaan sistem pendaftaran pemilih secara automatik.

SPR sentiasa berusaha untuk **memastikan setiap cadangan penambahbaikan dapat dilaksanakan dengan jayanya** serta menepati kehendak undang-undang yang sedang berkuat kuasa.

Sekian, terima kasih.